

## **TERMA DAN SYARAT KAD DEBIT-i HONG LEONG**

Sebagai pertimbangan kepada Hong Leong Islamic Bank Berhad (“**Bank**”) yang bersetuju untuk menyediakan Perkhidmatan dan bersetuju untuk mengeluarkan Kad Debit-i termasuk Gabungan kepada Pemegang Kad atas permohonan Pemegang Kad, Pemegang Kad berjanji dan bersetuju bahawa penurunan tandatangan pada Kad Debit-i, penggunaan Kad Debit-i dan/atau pengekalan Akaun oleh Pemegang Kad akan membentuk perjanjian Pemegang Kad dengan terma dan syarat di bawah.

Terma dan syarat ini hendaklah dibaca bersama sebagai keseluruhan dengan Terma dan Syarat Am Akaun bagi Deposit dan Deposit Perbankan Islam, Terma dan Syarat Kemudahan e-Penyata dan e-Invois Cukai, Terma dan Syarat untuk Perbankan Internet dan Perbankan Mudah Alih Hong Leong Connect untuk Perkhidmatan Perbankan Digital Peribadi dan sebarang terma dan syarat Akaun yang berkaitan, serta peraturan dan pengawalan lain yang mengikat pihak Bank. Definisi berikut adalah terpakai kecuali dinyatakan sebaliknya:

### **1.0 Definisi dan Interpretasi**

- 1.1 “**Akaun**” bermaksud akaun atau akaun-akaun perbankan dan merangkumi e-Akaun yang dibuka atau mungkin dibuka oleh Pemegang Akaun dengan pihak Bank pada bila-bila masa dan akan merujuk kepada akaun yang berkaitan sebagaimana diperlukan.
- 1.2 “**Gabungan**” bermaksud Kad Debit-i yang ditawarkan oleh institusi kewangan dalam perkongsian dengan institusi lain.
- 1.3 “**Fi Tahunan**” bermaksud fi yang dikenakan ke atas Pemegang Kad setiap tahun.
- 1.4 “**Pihak Berkuasa Yang Berkenaan**” bermaksud mana-mana kerajaan atau badan yang menguruskan hal-hal percukaian.
- 1.5 “**ATM**” bermaksud mesin juruwang automatik:
  - (a) yang dipasang oleh Bank atau mana-mana ahli Rangkaian ATM yang Dikongsi Bersama (“**SAN**”); dan/atau
  - (b) yang ditetapkan oleh Bank atau MasterCard;untuk kegunaan Pemegang Kad.
- 1.6 “**Transaksi Kad ATM**” bermaksud penggunaan Kad Debit-i untuk pengeluaran tunai dan transaksi elektronik atau mana-mana kad lain yang mungkin diluluskan oleh pihak Bank dari masa ke semasa.
- 1.7 “**Rangkaian Tunai Dibenarkan**” bermaksud cawangan, pejabat dan/atau lokasi yang ditetapkan oleh ahli SAN dan MasterCard untuk melaksanakan pengeluaran wang tunai.
- 1.8 “**Saudagar Dibenarkan**” bermaksud mana-mana peruncit atau perbadanan yang mana selaras dengan Perjanjian Saudagar bersetuju untuk menerima atau menyebabkan cawangannya

menerima Kad Debit-i untuk pembayaran atau menurut kepada perkiraan undang-undang dengan MyDebit / MasterCard bersetuju untuk menerima atau menyebabkan rangkaiannya untuk menerima kemudahan yang ditawarkan bergabung atau berkongsi jenama MasterCard untuk pembayaran.

- 1.9 **"Transaksi Auto Debit"** bermaksud pembayaran ulangan melalui Kad Debit-i untuk caj utiliti, insurans atau takaful yang diluluskan oleh pihak Bank sahaja.
- 1.10 **"Bank"** bermaksud Hong Leong Islamic Bank Berhad 200501009144 (686191-W) dan termasuk pewaris-namanya dan pemegang serah-hak yang dibenarkan.
- 1.11 **"Hari Perniagaan"** bermaksud hari Bank dibuka untuk perniagaan di Malaysia Barat dan Malaysia Timur, sebagaimana keadaannya, dan hari transaksi dalam bentuk yang dinyatakan di dalam Perjanjian ini dilaksanakan.
- 1.12 **"Pemegang Kad"** bermaksud Pemegang Kad Bank yang mana Kad Debit-i diterbitkan kepadanya.
- 1.13 **"Fi Penggantian Kad"** bermaksud fi yang dikenakan ke atas Pemegang Kad jika kad hilang, dicuri atau rosak.
- 1.14 **"Transaksi Kad"** bermaksud transaksi yang dilaksanakan dengan menggunakan Kad Debit-i untuk urus niaga tempatan dan luar negara; Transaksi Kad Hadir secara bersemuka serta Transaksi Kad Tidak Hadir dan Transaksi Tanpa Sentuhan secara tidak bersemuka (yang mana berkenaan).
- 1.15 **"Transaksi Kad Hadir"** bermaksud bayaran Transaksi Kad di mana Pemegang Kad mengemukakan Kad Debit-i secara fizikal untuk pemeriksaan saudagar pada masa bayaran untuk transaksi. Transaksi Kad Hadir termasuk dan tidak terhad kepada pengeluaran tunai di ATM dan pembelian runcit.
- 1.16 **"Transaksi Kad Tidak Hadir"** bermaksud bayaran Transaksi Kad di mana Pemegang Kad tidak atau tidak boleh mengemukakan Kad Debit-i secara fizikal untuk pemeriksaan saudagar pada masa bayaran untuk transaksi. Transaksi Kad Tidak Hadir termasuk dan tidak terhad kepada Transaksi Auto Debit, MOTO and transaksi dalam talian.
- 1.17 **"Baki Semasa"** bermaksud baki atau tunai terkini yang ada di dalam Akaun Simpanan-i atau Akaun Semasa-i Pemegang Kad.
- 1.18 **"Fi Pengeluaran Tunai"** bermaksud fi yang dikenakan ke atas Pemegang Kad untuk pengeluaran tunai berjaya dari ATM.
- 1.19 **"Transaksi Tanpa Sentuhan"** bermaksud kaedah pembayaran yang cepat dan mudah yang menggunakan teknologi komunikasi medan dekat ("**NFC**") bagi membuat pembayaran dengan menyentuh / mengimbas Kad Debit-i pada pembaca selamat.
- 1.20 **"Had Pengeluaran Tunai Harian"** bermaksud had maksimum dibenarkan yang ditetapkan oleh pihak Bank berhubung pengeluaran tunai melalui ATM.
- 1.21 **"Had Belian Runcit Harian"** bermaksud had maksimum Belian Runcit harian yang ditetapkan oleh Bank dalam Klausula 11.3 terma dan syarat ini.

- 1.22 **“Had Pemindahan Harian”** bermaksud had maksimum harian yang ditetapkan oleh Bank berkenaan dengan pemindahan wang melalui ATM dan/atau Hong Leong Connect.
- 1.23 **“DCC”** bermaksud Tukaran Mata Wang Dinamik, suatu perkhidmatan pilihan yang ditawarkan oleh saudagar luar negara tertentu atau yang tersedia untuk Transaksi Luar Negara tertentu sebagaimana yang ditakrifkan dalam Klausa 19.1 (termasuk Transaksi Kad ATM), yang memberi pilihan pembayaran / pengeluaran tunai dalam Ringgit Malaysia (termasuk Transaksi Kad dalam mata wang asing), sebagaimana yang diuraikan dalam Klausa 19.
- 1.24 **“Kad Debit-i”** bermaksud Kad Debit MyDebit / MasterCard Hong Leong Islamic yang dikeluarkan oleh Bank.
- 1.25 **“e-Akaun”** bermaksud akaun tanpa buku yang boleh diakses oleh Pemegang Kad secara akses luaran melalui Hong Leong Connect atau mana-mana portal, laman sesawang, rangkaian lain yang mungkin dimaklumkan oleh pihak Bank.
- 1.26 **“Fi”** termasuk fi perlu dibayar oleh Pemegang Kad semasa permohonan, tahunan atau sebarang jarak waktu yang mungkin ditentukan oleh pihak Bank untuk menggunakan Perkhidmatan yang akan didebit dari Akaun pada setiap tarikh ulang tahun Kad Debit-i dikeluarkan dan akan merangkumi semua fi lain, caj perkhidmatan, komisen dan lain-lain bayaran yang dicaj oleh pihak Bank di bawah terma dan syarat ini. Tertakluk kepada prinsip-prinsip Syariah dan garis panduan yang berkaitan, pihak Bank berhak untuk mengubah Fi dengan memberi notis awal **dua puluh satu (21)** hari kalendar terlebih dahulu kepada Pemegang Kad.
- 1.27 **“Pemegang Kad Biasa”** bermaksud Pemegang Kad bukan Perbankan Prioriti.
- 1.28 **“Tarikh Baik Sehingga”** bermaksud tarikh luput yang dicetak pada Kad Debit-i.
- 1.29 **“Hong Leong Connect”** bermaksud saluran Perbankan Internet yang ada untuk Pemegang Kad melakukan transaksi perbankan dalam talian dan mengakses sejarah transaksi melalui Aplikasi Perbankan Mudah Alih atau [www.hlisb.com.my](http://www.hlisb.com.my) (**“Laman Sesawang Bank”**).
- 1.30 **“Pemegang Akaun Bersama”** bermaksud mana-mana Akaun yang ada dua (2) atau lebih nama bersama atau mempunyai dua (2) atau lebih yang diberi kuasa penandatanganan.
- 1.31 **“MasterCard”** bermaksud MasterCard®, sebuah syarikat keahlian yang dianjurkan di bawah undang-undang Negeri Delaware, Amerika Syarikat.
- 1.32 **“MCCS”** bermaksud Spesifikasi Kad Cip Malaysia, iaitu spesifikasi Cip dan PIN untuk Kad Debit-i domestik.
- 1.33 **“Akaun Yang Diupayakan Dengan MCF”** bermaksud Akaun Pemegang Kad yang telah diupayakan dengan MCF, termasuk Akaun Pembelian Runcit.
- 1.34 **“MEPS”** bermaksud Malaysian Electronic Payment System Sdn. Bhd., pembekal perkhidmatan antara bank di Malaysia.
- 1.35 **“Perjanjian Saudagar”** bermaksud perjanjian yang ditandatangani di antara Saudagar Dibenarkan dan pihak Bank.

- 1.36 **“Fi Penyata Bulanan”** bermaksud fi bulanan yang dikenakan ke atas Pemegang Kad untuk Penyata bulanan bercetak.
- 1.37 **“MOTO”** bermaksud Pesanan Mel Pesanan Telefon yang merupakan jenis Transaksi Kad Tidak Hadir di mana Perkhidmatan diselesaikan dan dibayar melalui telefon, mel, faks atau e-mel.
- 1.38 **“Ciri Pelbagai Mata Wang”** atau **“MCF”** bermaksud mata wang asing yang disimpan dalam Akaun yang dibenarkan oleh Bank untuk diupayakan dengan MCF yang membolehkan Pemegang Kad, antara lain:
- (a) memegang mata wang asing yang dibenarkan oleh Bank dari semasa ke semasa;
  - (b) melakukan Transaksi Luar Negara dalam mata wang asing yang dipilih oleh Pemegang Kad;
  - (c) menukar suatu mata wang asing ke mata wang asing yang lain dalam Akaun Yang Diupayakan Dengan MCF Pemegang Kad melalui cawangan Bank atau Hong Leong Connect.
- Bagi mengelakkan keraguan, MCF hanya tersedia untuk Akaun Yang Diupayakan Dengan MCF yang dipegang oleh Pemegang Akaun persendirian sahaja. Senarai terkini mata wang yang dibenarkan untuk MCF boleh didapati di Laman Sesawang Bank.
- 1.39 **“MyKad”** bermaksud kad yang dikeluarkan kepada Pemegang Kad oleh Jabatan Pendaftaran Negara Malaysia kepada Pemegang Kad untuk mengenal pasti dan megesahkan identiti Pemegang Kad.
- 1.40 **“MyDebit”** bermaksud suatu skim pembayaran kad yang membenarkan Pemegang Kad untuk membuat bayaran bagi pembelian barangan dan/atau perkhidmatan dengan mendebit secara langsung dari Akaun Pembelian Runcit Pemegang Kad.
- 1.41 **“Had Belian Dalam Talian”** bermaksud had transaksi yang terpakai ke atas Transaksi Kad yang dilaksanakan dalam talian melalui internet.
- 1.42 **“Pembelian Petrol”** bermaksud semua transaksi yang dibuat dengan Kad Debit-i untuk pembayaran petrol dan mana-mana pembayaran lain yang dilakukan di kiosk petrol.
- 1.43 **“PIN”** bermaksud Nombor Pengenalan Peribadi Pemegang Kad sama ada yang dikeluarkan oleh pihak Bank kepada Pemegang Kad atau yang dipilih oleh Pemegang Kad di mana-mana cawangan pihak Bank selaras dengan prosedur permohonan untuk Perkhidmatan ATM dan termasuk perubahan mengenainya yang dibuat oleh Pemegang Kad pada hari yang sama sebagaimana mungkin, dari semasa ke semasa.
- 1.44 **“Tarikh Pengeposan”** bermaksud tarikh Transaksi Kad didebit ke Akaun Pemegang Kad.
- 1.45 **“Terminal POS”** bermaksud Terminal di Tempat Jual, suatu alat elektronik yang digunakan untuk memproses pembayaran kad di lokasi runcit.
- 1.46 **“Pemegang Kad Perbankan Prioriti”** bermaksud Pemegang Kad dengan status Perbankan Prioriti yang diperakui oleh pihak Bank.
- 1.47 **“Pemegang Kad Utama”** bermaksud individu pertama yang disenaraikan sebagai Pemegang Akaun / Pemegang Kad.

- 1.48 **“Notis Privasi”** bermaksud dasar dan prinsip pihak Bank yang berkaitan dengan pengumpulan, penggunaan dan penyimpanan maklumat peribadi individu dan entiti sedia ada dan entiti yang bakal berurusan dengan pihak Bank sebagaimana yang dipinda dari semasa ke semasa dan yang boleh didapati di Laman Sesawang Bank atau dalam apa-apa cara yang pihak Bank fikirkan sesuai dari semasa ke semasa.
- 1.49 **“Had Belian Runcit”** bermaksud had transaksi yang dikuatkuasakan bagi Transaksi Kad termasuk Transaksi Tanpa Sentuhan yang dibuat di kedai runcit, atau mana-mana kedai lain di mana Kad Debit-i boleh diterima untuk pembayaran.
- 1.50 **“Akaun Pembelian Runcit”** bermaksud akaun yang dipautkan kepada Kad Debit-i untuk membuat Transaksi Pembelian Runcit.
- 1.51 **“Transaksi Pembelian Runcit”** bermaksud transaksi yang menggunakan Kad Debit-i di Saudagar Dibenarkan di mana Kad Debit-i boleh diterima untuk pembayaran di dalam dan luar negara termasuk Pembelian Dalam Talian, tambah nilai Touch 'n Go secara automatik, Pembelian Petrol, pengebilan automatik / transaksi berulang. Transaksi Pembelian Runcit tidak termasuk pengeluaran wang tunai, pemindahan dana, pembayaran yuran tahunan dan pembayaran perkhidmatan lain / yuran pelbagai seperti yang ditakrifkan oleh pihak Bank dari semasa ke semasa dengan memberi notis awal terlebih dahulu.
- 1.52 **“Fi Pencarian Rekod Jualan”** bermaksud fi yang dikenakan ke atas Pemegang Kad apabila Pemegang Kad memohon untuk mendapatkan rekod jualan yang diisu oleh Saudagar Dibenarkan dari pihak Bank. Fi ini juga dikenakan semasa penyiasatan kes pertikaian apabila Pemegang Kad memohon untuk melihat rekod jualan yang berkaitan.
- 1.53 **“Kod Keselamatan”** bermaksud kod keselamatan yang diberikan oleh pihak Bank kepada Pemegang Kad untuk mengakses Perkhidmatan berkaitan yang merangkumi PIN (untuk Perkhidmatan ATM), TPIN (untuk Perkhidmatan Perbankan Telefon, perbankan mudah alih yang diakses melalui saluran elektronik), IPIN (untuk Hong Leong Connect), TAC (untuk Hong Leong Connect) dan termasuk lain-lain nama pengguna, kata laluan, nombor pengenalan peribadi, sijil digital atau lain-lain kod keselamatan yang mungkin dikeluarkan oleh pihak Bank dari semasa ke semasa untuk mengakses semua atau mana-mana Perkhidmatan dan rujukan untuk terma “Kod Keselamatan” akan bermaksud kod atau kod-kod keselamatan berkaitan dengan Perkhidmatan tersebut sebagaimana diperlukan.
- 1.54 **“Perkhidmatan”** bermaksud perkhidmatan yang disediakan oleh pihak Bank untuk memudahkan Transaksi Kad, Transaksi Tanpa Sentuhan, transaksi Cip dan PIN, Perbankan Telefon, Perkhidmatan Pembayaran Bil, atau mana-mana perkhidmatan elektronik, digital, visual, video atau lain-lain seperti perkhidmatan baru atau tambahan yang ditawarkan oleh pihak Bank dari semasa ke semasa bagi membolehkan Pemegang Kad melaksanakan transaksi perbankan dan lain-lain transaksi dan Perkhidmatan tersebut boleh ditambah, diubah atau ditarik balik oleh pihak Bank pada bila-bila masa dan dari semasa ke semasa dengan memberi notis awal **dua puluh satu (21)** hari kalendar terlebih dahulu.
- 1.55 **“Rangkaian ATM yang Dikongsi Bersama”** bermaksud bank dan institusi kewangan yang mengambil bahagian di dalam Rangkaian ATM yang Dikongsi Bersama yang dikendalikan oleh Payments Network Malaysia Sdn. Bhd.

- 1.56 **“Barangan dan Perkhidmatan Patuh Syariah”** bermaksud barangan dan perkhidmatan yang boleh diterima oleh dan mematuhi Syariah.
- 1.57 **“Arahan Tetap”** bermaksud pembayaran melalui Kad Debit-i atau Akaun Pemegang Kad untuk tujuan pembayaran pinjaman / pembiayaan hartanah, pembayaran pinjaman / pembiayaan, pembayaran kad kredit atau pembayaran pembiayaan lain yang dimulakan melalui cawangan Bank.
- 1.58 **“Penyata”** bermaksud penyata akaun yang memaparkan urus niaga yang dilaksanakan dengan Kad Debit-i.
- 1.59 **"Cukai"** membawa maksud cukai yang dikenakan pada masa kini atau masa yang akan datang, secara langsung atau tidak, di Malaysia atau di luar negara, levi, impos, duti, upah, bayaran, potongan harga atau sebarang sekatan yang dikenakan oleh mana-mana Pihak Berkuasa Yang Berkenaan, termasuk, tanpa had, mana-mana cukai penggunaan dan cukai-cukai yang lain dan apa-apa denda atau penalti yang berkenaan.
- 1.60 **"Tarikh Transaksi"** bermaksud tarikh Transaksi Pembelian Runcit berlaku dengan menggunakan Kad Debit-i di Saudagar Dibenarkan yang menerima Kad Debit-i untuk pembayaran.
- 1.61 **“Resit Transaksi”** bermaksud slip bayaran, borang atau kertas yang dibekalkan kepada/oleh Bank, kepada/oleh Saudagar Dibenarkan atau yang dijana daripada ATM untuk tujuan merekod, mengesah dan membuktikan pembelian atau transaksi lain yang dilakukan oleh Pemegang Kad melalui penggunaan Kad Debit-i yang akan dicaj ke dan didebit dari Akaun atau pengesahan yang diberikan kepada Pemegang Kad untuk transaksi kewangan yang dilakukan melalui Hong Leong Connect.
- 1.62 Perkataan yang bermaksud tunggal juga bermaksud majmuk dan sebaliknya.

## **2.0 Tanggungjawab Pemegang Kad**

- 2.1 Dengan menurunkan tandatangan pada Kad Debit-i, menggunakan Kad Debit-i dan/atau mengekalkan Akaun, Pemegang Kad bersetuju untuk memberi kuasa kepada Bank untuk mengendalikan Akaunnya dengan sewajarnya, termasuk pelantikan pihak ketiga apabila diperlukan, untuk tujuan selaras dengan penyediaan Perkhidmatan dan bersetuju untuk terikat sepenuhnya dengan terma dan syarat yang dinyatakan di sini sebagaimana yang diubah oleh Bank dari semasa ke semasa dengan memberi notis awal **dua puluh satu (21)** hari kalendar. Notis tentang perubahan atau pindaan tersebut akan dimaklumkan kepada Pemegang Kad.
- 2.2 Pemegang Kad hendaklah mengambil semua langkah wajar untuk memastikan dan mencegah penggunaan tanpa kebenaran dan secara fraud dan meyalahi undang-undang ke atas Perkhidmatan atau sebahagian daripadanya dan Kod Keselamatan Pemegang Kad, termasuk tetapi tidak terhad kepada yang berikut:
- (a) Kod Keselamatan hendaklah dirahsiakan dan apabila Pemegang Kad menerima Kod Keselamatan, ia hendaklah ditukar serta-merta apabila telah diterima dan dibaca, dan hanya boleh digunakan oleh Pemegang Kad sahaja dan bukan orang lain. Jika Kod Keselamatan tidak dikeluarkan kepada Pemegang Kad, Pemegang Kad dinasihatkan agar mencipta Kod Keselamatan sendiri sebagai syarat untuk mengakses Perkhidmatan.

- (b) Bahawa tidak ada orang lain selain daripada Pemegang Kad mempunyai akses atau mampu mempunyai akses kepada Kod Keselamatan untuk membolehkan dia melakukan sebarang transaksi melalui mana-mana Perkhidmatan dan Kod Keselamatan tidak ditulis dalam apa jua bentuk atau cara termasuk tetapi tidak terhad kepada e-mel yang tidak diminta atau pada mana-mana laman sesawang selain daripada Laman Sesawang Bank yang boleh ditafsirkan oleh pihak ketiga atau disimpan bersama atau didedahkan kepada mana-mana orang (termasuk pekerja pihak Bank) di bawah apa-apa keadaan atau pada bila-bila masa.
- (c) Pemegang Kad tidak boleh mendedahkan Kod Keselamatan kepada mana-mana pihak di bawah apa jua sebab atau cara sama ada secara sukarela atau sebaliknya dan hendaklah mengambil segala langkah wajar untuk mencegah Kod Keselamatan daripada diketahui oleh pihak lain. Pemegang Kad memahami dan bersetuju bahawa kegagalan untuk mematuhi peraturan ini boleh mendedahkan Pemegang Kad kepada akibat kecurian dan/atau penggunaan tanpa kebenaran Kad Debit-i, yang mana pihak Bank tidak akan bertanggungjawab. Pemegang Kad mesti melaporkan sebarang pelanggaran Kod Keselamatan atau kehilangan Kod Keselamatan kepada pihak Bank dengan secepat yang mungkin, apabila Pemegang Kad menyedari tentang pelanggaran atau kerugian masing-masing. Pemegang Kad dengan ini bersetuju untuk menanggung kerugian dan untuk mengecualikan pihak Bank daripada semua tuntutan dan liabiliti daripada semua pihak yang timbul daripada penggunaan yang tidak dibenarkan itu.
- (d) Bahawa baki Akaun, Penyata Akaun dan Transaksi Kad diperiksa dan dipantau oleh Pemegang Kad secara kerap dan teliti dan diperiksa setiap kali sebelum memberikan apa-apa arahan kepada pihak Bank. Pemegang Kad hendaklah memaklumkan kepada pihak Bank dengan segera tentang apa-apa yang tidak dibenarkan, penipuan, menyalahi undang-undang urus niaga, kesilapan atau percanggahan dalam Akaun
- (e) Pemegang Kad hendaklah memastikan bahawa dana di dalam Akaun adalah mencukupi untuk melaksanakan sebarang Transaksi Kad yang diarahkan oleh Pemegang Kad.
- (f) Pemegang Kad akan mencipta PIN dan PIN telefon ("**TPIN**") sendiri di ATM Bank untuk tujuan melaksanakan transaksi ATM atau transaksi elektronik. Pemegang Kad dikehendaki untuk tidak mendedahkan PIN dan/atau TPIN kepada mana-mana pihak ketiga dan akan bertanggungjawab kepada pihak Bank untuk sebarang kemasukan debit di dalam Akaun dengan pihak Bank yang diakibatkan oleh Transaksi Kad tanpa kebenaran.
- (g) Untuk melakukan pembelian dengan menggunakan Kad Debit-i di mana-mana Saudagar Dibenarkan, Pemegang Kad boleh mengesahkan Transaksi Kad dengan:
  - (i) menandatangani Resit Transaksi yang disediakan oleh Saudagar Dibenarkan;
  - (ii) memasukkan PIN di terminal POS; atau
  - (iii) melaksanakan Transaksi Tanpa Sentuhan.

Penerimaan Resit Transaksi atau apa-apa dokumen pulangan dengan tandatangan Pemegang Kad oleh Bank (jika ada) akan menjadi bukti yang mengikat dan muktamad bahawa Transaksi Kad dan amaun yang direkod padanya adalah dilakukan oleh Pemegang Kad selaras dengan terma dan syarat ini. Untuk pembelian atau penggunaan



Kad Debit-i yang dibuat secara transaksi dalam talian, atau transaksi bukan berasaskan tandatangan termasuk tetapi tidak terhad kepada pembelian petrol, Pemegang Kad bersetuju bahawa resit pengesahan dan/atau penerimaan yang dikeluarkan oleh mana-mana Saudagar Dibenarkan atau sekutunya untuk transaksi tersebut akan dianggap sebagai bukti dokumen yang memuaskan sebagai penggunaan dan Pemegang Kad hendaklah mematuhi terma dan syarat ini.

- (h) Tanpa mengambil kira peruntukan yang dinyatakan di dalam Klausula 2.2.(g) di atas, tandatangan / PIN tidak akan menjadi syarat tunggal duluan kepada liabiliti Pemegang Kad berkenaan Perkhidmatan yang dibekalkan, dan Pemegang Kad akan bertanggungjawab untuk Transaksi Kad jika pihak Bank berpendapat bahawa, berdasarkan bukti dokumen yang memuaskan, tandatangan yang tidak dibuat atau ketiadaan tandatangan adalah disebabkan oleh keadaan dan/atau kaedah transaksi yang digunakan atau akibat kesilapan dari pihak Pemegang Kad dan/atau Saudagar Dibenarkan dan ahli bank MyDebit / MasterCard.
- (i) Pemegang Kad hendaklah mematuhi semua keperluan, arahan, suruhan dan garis panduan tentang penggunaan Kad Debit-i yang dikeluarkan oleh Bank dari semasa ke semasa berkenaan dengan semua Perkhidmatan kepada Pemegang Kad.
- (j) Pemegang Kad bersetuju untuk menandatangani bahagian belakang Kad Debit-i sebaik sahaja kad tersebut diterima dan sebelum ia digunakan, sebagai langkah mencegah penggunaan tanpa kebenaran Kad Debit-i tersebut.
- (k) Kad Debit-i adalah sah sehingga Tarikh Baik Sehingga. Pemegang Kad hendaklah memastikan bahawa sebaik sahaja Kad Debit-i luput, ianya perlu dimusnahkan, dengan memotong dua secara melintang dan mengembalikannya kepada pihak Bank untuk penggantian Kad Debit-i. Pihak Bank akan mengirim surat pembaharuan kepada Pemegang Kad untuk memaklumi Pemegang Kad untuk mengunjungi cawangan Bank yang terdekat atau mana-mana cawangan Bank untuk memperolehi Kad Penggantian. Surat pembaharuan kepada Pemegang Kad akan dikirimkan **tiga puluh (30)** hari kalendar sebelum Tarikh Baik Sehingga.
- (l) Kad Debit-i tidak boleh digunakan selepas pembatalan, tamat tempoh, atau pengeluaran atau apabila Pemegang Kad tidak lagi menjadi Pemegang Kad Bank.
- (m) Pemegang Kad tidak boleh menggunakan Kad Debit-i untuk pengeluaran tunai, bayaran atau pemindahan dana melainkan terdapat dana yang mencukupi di dalam Akaun. Sebarang pengeluaran tunai, bayaran atau pindahan dana akan ditolak jika tidak terdapat dana yang mencukupi di dalam Akaun.
- (n) Sekiranya tiada dana yang mencukupi di dalam Akaun dan Pemegang Kad Debit-i tidak mempunyai kemudahan aliran tunai atau mana-mana kemudahan kredit tersedia, semua Transaksi Kad di Saudagar Dibenarkan akan ditolak.
- (o) Pemegang Kad bersetuju untuk tidak menggunakan Kad Debit-i untuk sebarang aktiviti yang menyalahi undang-undang. Jika Bank mendapati, mengesyaki atau mempunyai sebab untuk mempercayai bahawa Kad Debit-i telah digunakan untuk sebarang aktiviti yang menyalahi undang-undang, Bank boleh mengambil apa-apa tindakan dianggap sesuai untuk memenuhi apa-apa kewajipan yang berkaitan dengan pencegahan apa-apa



aktiviti haram termasuk tetapi tidak terhad kepada penipuan, perubahan wang haram, aktiviti/pembiayaan pengganas, rasuah, penyalahgunaan wang dan/atau pengelakan cukai.

- (p) Sekiranya Pemegang Kad menjadikan Akaun Simpanan-i atau Akaun Semasa-i sebagai Akaun Pembelian Runcit, Pemegang Kad mengakui dan bersetuju bahawa Kad Debit-i tidak boleh digunakan untuk sebarang aktiviti atau tujuan tidak patuh Syariah seperti yang dinyatakan di Klausula 12.1 di bawah dan yang boleh menyebabkan transaksi tersebut ditolak.
- (q) Pemegang Kad dengan ini memberi representasi dan memberi waranti bahawa Pemegang Kad telah mendapat persetujuan semua orang yang dinamakan dalam permohonan Pemegang Kad untuk Akaun atau apa-apa dokumen lain yang dihantar kepada pihak Bank bagi menyokong permohonan itu dan/atau wakil yang diberi kuasa mereka, termasuk tetapi tidak terhad kepada pengarah, pemegang saham, penandatanganan yang diberi kuasa atau mana-mana orang lain yang ditetapkan oleh pihak Bank ("**Subjek Data Relevan**"), untuk koleksi pihak Bank, pegangan dan penggunaan maklumat peribadi daripada Subjek Data Relevan mengikut Notis Privasi pihak Bank sebagaimana yang dipinda dari semasa ke semasa.
- (r) Sekiranya Pemegang Kad menggantikan Kad Debit-i dengan Kad Debit-i baru kerana hilang / dicuri / pembaharuan atau apa-apa sebab lain, Pemegang Kad bertanggungjawab untuk memaklumkan kepada semua Saudagar Dibenarkan berkaitan yang beliau telah melanggan auto debit / transaksi debit langsung untuk mengemaskini nombor Kad Debit-i baru untuk mengelakkan transaksi daripada ditolak.
- (s) Pemegang Kad dengan ini bersetuju dan persetujuan dengan pemegangan, pengumpulan dan penggunaan semua data peribadi yang diberikan kepada pihak Bank oleh Pemegang Kad atau yang diperolehi oleh pihak Bank dari domain awam, serta data peribadi yang timbul akibat daripada penyediaan perkhidmatan kepada Pemegang Kad berkaitan dengan Akaun mengikut Notis Privasi pihak Bank sebagaimana yang dipinda dari semasa ke semasa.
- (t) Pemegang Kad yang ingin dikecualikan daripada pekongsian data peribadi mereka di dalam kumpulan syarikat Bank, Hong Leong Bank Berhad 193401000023 (97141-X) dan/atau Hong Leong Financial Group Berhad 1968000439 (8024-W) bagi tujuan pemasaran dan promosi perlu mengunjungi mana-mana cawangan Bank atau menghubungi Pusat Panggilan Bank di **03-7626 8899** untuk mendaftar permintaan mengecualikan pekongsian tersebut.
- (u) Pemegang Kad hendaklah segera memberitahu pihak Bank jika ada apa-apa perubahan dalam butir-butir perhubungan dan/atau peribadi Pemegang Kad sama ada secara bertulis, mengunjungi cawangan Bank atau menghubungi Pusat Panggilan Bank di **03-7626 8899**.
- (v) Pihak Bank tidak mewakili atau menjamin bahawa penggunaan Kad Debit-i akan berjalan tanpa gangguan, selaan atau kesilapan. Sekiranya dan kecuali ianya berlaku disebabkan oleh keingkaran sengaja atau kecuaiannya melampau oleh Bank, pihak Bank tidak akan bertanggungjawab untuk apa-apa kerugian, kerosakan, kesulitan, rasa malu, kos atau perbelanjaan dalam apa jua bentuk yang dalam apa-apa cara mungkin dialami atau ditanggung oleh Pemegang Kad atau mana-mana orang lain berkenaan dengan atau

berkaitan dengan penggunaan Perkhidmatan dan Pemegang Kad tidak mempunyai tuntutan terhadap Bank jika Transaksi Kad dan/atau Transaksi Tanpa Sentuhan tidak diterima atau diperakui oleh mana-mana Saudagar Dibenarkan atau apa-apa sebab sekalipun.

- (w) Pemegang Kad mengakui dan bersetuju bahawa penggunaan Kad Debit-i atau prestasi Transaksi Kad dan/atau Transaksi Tanpa Sentuhan adalah atas risiko mutlak Pemegang Kad. Pihak Bank tidak akan bertanggungjawab ke atas sebarang kerosakan dan/atau kerugian yang ditanggung berhubung dengan penggunaan Kad Debit-i atau prestasi Transaksi Kad dan/atau Transaksi Tanpa Sentuhan bagi barangan atau perkhidmatan yang dibekalkan oleh mana-mana Saudagar Dibenarkan atau kualiti atau pelaksanaan apa-apa barangan atau perkhidmatan selaras dengan atau berhubung dengan apa-apa transaksi yang dibuat pada Kad Debit-i. Pemegang Kad akan menyelesaikan secara langsung dengan Saudagar Dibenarkan bagi apa-apa aduan yang timbul daripada Transaksi Kad dan/atau Transaksi Tanpa Sentuhan.
- (x) Pemegang Kad hendaklah memastikan bahawa jika Pemegang Kad mempunyai lebih daripada **satu (1)** kad atau instrumen pembayaran dengan teknologi tanpa sentuhan, iaitu instrumen pembayaran dengan keupayaan untuk melaksanakan Transaksi Tanpa Sentuhan, Pemegang Kad hendaklah memastikan bahawa kad tersebut disimpan secara berasingan daripada Kad Debit-i untuk mengelakkan perlanggaran transaksi yang akan menyebabkan kedua-dua kad didebitkan untuk jumlah transaksi yang berkaitan.
- (y) Pemegang Kad hendaklah memastikan semua Transaksi Kad (termasuk transaksi luar negara) mematuhi Notis Tukaran Asing (“**Notis FE**”). Pemegang Kad disarankan untuk membaca dan memahami Notis FE di laman sesawang Bank Negara Malaysia (“**BNM**”) di [www.bnm.gov.my](http://www.bnm.gov.my) untuk memastikan semua aktiviti yang dilakukan menggunakan Kad Debit-i mematuhi Notis FE setiap masa.

### **3.0 Transaksi Tanpa Sentuhan**

3.1 Terdapat dua jenis Transaksi Tanpa Sentuhan iaitu:

- (a) MCCS Tanpa Sentuhan - kaedah pembayaran tanpa sentuhan melalui rangkaian MyDebit yang boleh dilakukan di mana-mana Terminal POS yang memaparkan logo MCCS Tanpa Sentuhan; dan
- (b) MasterCard Contactless - kaedah pembayaran tanpa sentuhan melalui rangkaian MasterCard yang boleh dilakukan di mana-mana Terminal POS yang memaparkan logo MasterCard Contactless.

3.2 Setiap Transaksi Tanpa Sentuhan dihadkan pada **Ringgit Malaysia Dua Ratus Lima Puluh (RM250)** bagi setiap transaksi (“**Had Transaksi Tanpa Sentuhan**”) dengan had Transaksi Tanpa Sentuhan kumulatif **Ringgit Malaysia Lapan Ratus (RM800)** sahaja atau had lain sebagaimana yang ditetapkan oleh Pemegang Kad pada bila-bila masa dan dari semasa ke semasa mengikut Klausa 3.3 (“**Had Transaksi Tanpa Sentuhan Kumulatif**”). Dalam kes di mana Transaksi Tanpa Sentuhan telah melebihi Had Transaksi Tanpa Sentuhan bagi setiap Transaksi Tanpa Sentuhan dan/atau telah mencapai Had Transaksi Tanpa Sentuhan Kumulatif, Pemegang Kad dikehendaki untuk memasukkan PIN pada Terminal POS semasa jualan sebelum Pemegang Kad boleh meneruskan transaksi, di mana Had Transaksi Tanpa Sentuhan Kumulatif akan ditetapkan semula.

- 3.3 Pemegang Kad boleh menetapkan Had Transaksi Tanpa Sentuhan Kumulatif pilihan mereka dari RM0 hingga RM800 melalui mana-mana cawangan Bank di seluruh negara. Jika Pemegang Kad tidak ingin menggunakan fungsi Transaksi Tanpa Sentuhan, Had Transaksi Tanpa Sentuhan Kumulatif hendaklah ditetapkan kepada **sifar, iaitu RM0**.
- 3.4 Had Transaksi Tanpa Sentuhan Kumulatif Pemegang Kad adalah subset kepada had pembelian runcit Pemegang Kad. Had Transaksi Tanpa Sentuhan Kumulatif tidak akan melebihi had pembelian runcit yang ditetapkan oleh Pemegang Kad. Jika had pembelian runcit Pemegang Kad adalah kurang daripada Had Transaksi Tanpa Sentuhan Kumulatif, Had Transaksi Tanpa Sentuhan Kumulatif Pemegang Kad secara automatik akan ditetapkan kepada had pembelian runcit. Contoh, jika Pemegang Kad telah menetapkan had pembelian runcit kepada RM0, Had Transaksi Tanpa Sentuhan Kumulatif akan menjadi RM0, iaitu fungsi Transaksi Tanpa Sentuhan akan dipadamkan.
- 4.0 Penyata Pemegang Kad**
- 4.1 Penyata akan dirangkumkan dalam buku akaun / penyata Akaun Simpanan-i atau Akaun Semasa-i yang ditetapkan oleh Pemegang Kad dan Pemegang Kad boleh menyemak Penyata Akaun secara percuma melalui Hong Leong Connect yang meliputi, antara lain, Transaksi Kad dan Tarikh Pengeposan Transaksi Kad yang dilakukan oleh Pemegang Kad untuk tempoh yang dinyatakan.
- 4.2 Atas permintaan oleh Pemegang Kad, Penyata bulanan bercetak akan dihantar ke alamat surat-menyurat Pemegang Kad yang terakhir dicatatkan di dalam rekod pihak Bank. Caj perkhidmatan akan didebitkan ke dalam Akaun. Penyata bulanan yang dicetak akan menunjukkan semua Transaksi Kad, Tarikh Pengeposan dan Tarikh Transaksi untuk bulan yang berkenaan. Pemegang Kad boleh meminta Penyata dicetak pada bila-bila masa dan pihak Bank akan mengenakan bayaran perkhidmatan sebanyak:
- (a) **Ringgit Malaysia Sepuluh (RM10.00) dan Ringgit Malaysia Dua (RM2.00)** bagi setiap halaman untuk Penyata sehingga **satu (1)** tahun yang lalu; atau
  - (b) **Ringgit Malaysia Sepuluh (RM10.00) dan Ringgit Malaysia Lima (RM5.00)** bagi setiap halaman untuk Penyata lebih daripada **satu (1)** tahun yang lalu;
- untuk setiap permintaan. Tiada bayaran perkhidmatan dikenakan untuk penyata Akaun Simpanan-i.
- 4.3 Rekod dan catatan dalam Akaun dengan pihak Bank yang terdapat pada penyata bulanan akan dianggap sebagai tepat dan mengikat ke atas Pemegang Kad kecuali notis bertulis bertentangan dengannya diberi oleh Pemegang Kad kepada pihak Bank dalam masa **empat belas (14)** hari kalendar selepas menerima Penyata (atau tempoh lain yang ditentukan oleh pihak Bank dalam Penyata).
- 4.4 Jika atas sebarang sebab Pemegang Kad tidak memaklumkan kepada pihak Bank secara bertulis dalam masa **empat belas (14)** hari kalendar (atau tempoh lain yang ditentukan oleh pihak Bank dalam Penyata) tentang sebarang percanggahan di dalam Penyata, maka Pemegang Kad akan dianggap telah menerima rekod dan catatan di dalam Penyata sebagai betul, akhir dan muktamad. Penyata itu hendaklah dianggap sebagai muktamad dan terikat kepada Pemegang Kad, wakil

perundangan dan pengganti Pemegang Kad, dan sebarang tuntutan terhadap pihak Bank yang mendakwa Penyata itu adalah salah adalah tidak sah.

- 4.5 Apabila Bank menerima notis bertulis yang diberi oleh Pemegang Kad dalam tempoh yang dinyatakan, pihak Bank akan menyiasat Akaun untuk membuat pelarasan dan pembetulan yang sewajarnya, jika ada. Sebarang wang yang perlu dibayar kepada atau dibayar oleh Pemegang Kad akan dikredit atau didebit ke dalam Akaun berkaitan.
- 4.6 Hanya Transaksi Kad yang telah disahkan dengan sewajarnya oleh pihak Bank akan muncul di dalam Penyata Akaun Pemegang Kad.
- 4.7 Pemegang Kad juga boleh mendapatkan rekod **sepuluh (10)** transaksi terakhir Akaun Simpanan- i atau Akaun Semasa-i melalui ATM. Di dalam rekod transaksi ATM yang dikeluarkan oleh ATM, semua Transaksi Belian Runcit diwakili oleh perkataan **tiga (3)**-huruf "POS".

## **5.0 Pemegang Akaun Bersama**

- 5.1 Untuk Pemegang Akaun Bersama, salah seorang pemegang akaun boleh mengeluarkan arahan dan membenarkan pihak Bank untuk melaksanakan sebarang Transaksi Kad ke atas akaun bersama. Semua Transaksi Kad yang dilakukan akan mengikat ke atas semua pemegang kad, yang bertanggungjawab secara bersama dan bersendirian. Mandat pemegang akaun bersama tidak akan ditarik-balik kecuali dan sehingga pemegang akaun bersama yang mana mandatnya akan ditarik-balik menyerahkan Kad Debit-i kepada pihak Bank.

## **6.0 Akaun Pegangan**

- 6.1 Pihak Bank mungkin akan mendebit atau mengenakan pegangan ke atas Akaun Pembelian Runcit untuk amaun Transaksi Kad sama ada pada hari ianya diserahkan kepada pihak Bank untuk bayaran atau pada hari pihak Bank menerima notis mengenai Transaksi Kad, yang mana lebih awal.
- 6.2 Akaun Pegangan adalah untuk semua transaksi runcit yang dilakukan di stesen minyak, hotel dan hospital. Jika Saudagar Dibenarkan meminta kebenaran untuk sebarang Transaksi Kad, pihak Bank mungkin akan mengenakan pegangan ke atas Akaun Pembelian Runcit untuk amaun Transaksi Kad tersebut. Baki tersedia di dalam Akaun untuk digunakan oleh Pemegang Kad akan berkurangan sejajar dengan amaun yang dipegang.
- 6.3 Bagi mengelakkan keraguan, bagi segala Pembelian Petrol oleh Pemegang Kad di dispenser bahan api automatik di stesen minyak, jumlah sebanyak **Ringgit Malaysia Dua Ratus (RM200.00)** ("**Jumlah Pra-Kuasa**") akan dipegang oleh pihak Bank dalam Akaun Pembelian Runcit Pemegang Kad sehingga **tiga (3)** Hari Perniagaan atau apa-apa tempoh lain sebagaimana yang diberitahu oleh pihak Bank. Jumlah Pra-Kuasa akan ditempatkan di Akaun Pegangan oleh pihak Bank dan akan dilepaskan apabila pihak Bank menerima bukti jumlah transaksi sebenar daripada Saudagar Dibenarkan, dan Akaun Pemegang Kad akan didebitkan dengan jumlah transaksi sebenar tersebut.
- 6.4 Pemegang Kad tidak boleh memberhentikan pembayaran ke atas Transaksi Kad. Untuk mengelakkan keraguan, dengan ini dinyatakan bahawa hak pihak Bank untuk mendebit Akaun Pembelian Runcit berhubung sebarang Transaksi Kad tidak terhad kepada amaun yang diletakkan

dalam pegangan yang berkaitan dengan Transaksi Kad dan pihak Bank berhak untuk mendebit Akaun Pembelian Runcit untuk amaun penuh atas Transaksi Kad. Pihak Bank juga berhak untuk menaikkan amaun yang perlu dipegang berkaitan mana-mana Transaksi Kad yang berdenominasi dalam mata wang lain selain daripada Ringgit Malaysia jika pihak Bank berpendapat amaun asal yang dipegang tidak mencukupi untuk membayar Transaksi Kad sepenuhnya apabila ditukar kepada mata wang asing tersebut.

- 6.5 Pihak Bank berhak menurut budi bicaranya untuk meletakkan amaun tersebut dalam pegangan sehingga **dua puluh satu (21)** Hari Kalendar atau untuk tempoh yang dianggap wajar. Pihak Bank akan mendebit amaun untuk dipegang atas Akaun Pembelian Runcit apabila Transaksi Kad berkaitan diserahkan kepada pihak Bank untuk pembayaran. Pihak Bank akan melepaskan amaun dipegang jika Transaksi Kad berkaitan tidak diserahkan kepada pihak Bank untuk pembayaran dalam tempoh yang dianggap wajar oleh pihak Bank. Pemegang Kad juga bersetuju bahawa pihak bank berhak untuk meletakkan semula pegangan ke atas Akaun Pembelian Runcit dan mendebit Akaun Pembelian Runcit jika Transaksi Kad akhirnya berkemungkinan akan atau diserahkan untuk bayaran oleh Saudagar Dibenarkan selepas tamat tempoh sehingga **empat belas (14)** Hari Perniagaan tersebut. Pemegang Kad bersetuju bahawa semua resit yang diserahkan oleh Saudagar Dibenarkan untuk Transaksi Kad melalui Resit Transaksi termasuk pengesahan penerimaan dan perakuan akan dianggap bukti akhir dan muktamad penggunaan oleh Pemegang Kad.
- 6.6 Pemegang Kad tidak boleh menggunakan mana-mana amaun yang dipegang, tanpa mengambil kira mana-mana terma dan syarat lain yang mentadbir Akaun Pembelian Runcit.
- 6.7 Pihak Bank hanya akan mengkreditkan Akaun Pembelian Runcit dengan kembalian yang dibuat oleh mana-mana Saudagar Dibenarkan atau penentuan yang berkaitan dengan mana-mana transaksi runcit / transaksi dalam talian selepas pihak Bank menerima baucer kredit yang dikeluarkan dengan betul. Kembalian ini termasuk tetapi tidak terhad kepada Pemegang Kad memulangkan semula barangan kepada peruncit selepas pembelian.

## **7.0 Pemilikan dan Kehilangan atau Kecurian Kad Debit-i**

- 7.1 Pemegang Kad hendaklah mengambil segala langkah keselamatan untuk mengelakkan Kad Debit-i daripada kehilangan atau kecurian dan Pemegang Kad tidak boleh meninggalkan Kad Debit-i tanpa dijaga atau mendedahkan PIN dan/atau butiran Kad Debit-i kepada mana-mana pihak ketiga. Sekiranya berlaku kehilangan dan/atau kecurian Kad Debit-i dan/atau pendedahan PIN dan/atau butiran kepada pihak yang tidak dibenarkan, Pemegang Kad apabila menyedarinya hendaklah memaklumkan kepada pihak Bank dengan serta-merta (jika perkara tersebut berlaku di Malaysia) atau mana-mana ahli MasterCard atau rakan sekutunya yang berhampiran (jika perkara tersebut berlaku di luar negara) melalui telefon, telegram, faksimili atau e-mel, dan mengesahkan perkara yang sama secara bertulis kepada pihak Bank dengan menyertakan laporan polis. Pemegang Kad memahami sepenuhnya bahawa kegagalan untuk menjaga dan mengambil langkah keselamatan yang munasabah dalam penyimpanan Kad Debit-i boleh mendedahkan Pemegang Kad kepada risiko kecurian dan/atau penggunaan tanpa kebenaran Kad Debit-i.
- 7.2 Pihak Bank berhak bertindak atas arahan telefon yang diterima oleh pihak Bank daripada Pemegang Kad dan/atau wakilnya yang diberi kuasa oleh Pemegang Kad (jika berkenaan dan mengikut mana-mana yang berkenaan) ("**Orang yang Diberi Kuasa**") dengan niat yang baik dan mengikut operasi yang biasa. Berhubung dengan ini, pihak Bank tidak akan bertanggungjawab

untuk bertindak atas arahan telefon yang diberikan oleh Orang yang Diberi Kuasa tersebut tidak kira keadaan yang wujud pada masa arahan tersebut.

- 7.3 Jika berlaku kecurian / kehilangan dan akibat daripada kecurian / kehilangan tersebut, Kad Debit-i telah digunakan oleh orang yang tidak dibenarkan untuk sebarang Transaksi Kad, Pemegang Kad bersetuju bahawa Pemegang Kad akan bertanggungjawab kepada pihak Bank ke atas semua caj tanpa kebenaran yang ditanggung termasuk caj kewangan untuk sebarang barangan atau perkhidmatan yang diberikan oleh Saudagar Dibenarkan, akibat penggunaan Kad Debit-i oleh pihak yang tidak dibenarkan tersebut sehingga tarikh penerimaan oleh pihak Bank notis bertulis dari Pemegang Kad yang dinyatakan di dalam Klausula 7.1 di atas dan tertakluk kepada terma dan syarat Klausula 7.4 di dalam ini.

Pemegang Kad bersetuju untuk memberi kuasa kepada pihak Bank supaya tidak memperakui Kad Debit-i asal yang tersebut di atas sekiranya Kad Debit-i yang sama diserahkan kepada pihak Bank untuk pembayaran dan Pemegang Kad membuat aku janji untuk memulangkan Kad Debit-i asal kepada pihak Bank apabila kad itu dijumpai melainkan Pemegang Kad telah gagal memberitahu pihak Bank tentang kehilangan Kad Debit-i itu, sebaik sahaja hal itu semunasabahnya boleh dilakukan setelah mendapati Kad Debit-i itu hilang atau dicuri.

Sebagai balasan kepada pihak Bank mengeluarkan kad gantian bagi kad asal kepada Pemegang Kad, kecuali jika kerosakan tersebut disebabkan oleh salah laku sengaja atau kecuaiian melampau oleh pihak Bank, maka Pemegang Kad bersetuju melepaskan pihak Bank daripada liabiliti dan menanggung rugi pihak Bank terhadap segala tuntutan, dakwaan, kerugian, kerosakan, kos, caj dan perbelanjaan yang mungkin ditanggung dan boleh dikenakan kepada pihak Bank sekiranya kad asal digunakan atau diurusniagakan dengan apa-apa cara sekarang atau pada masa akan datang atau sebagai akibat daripada tindakan pihak Bank mengeluarkan Kad Debit-i gantian kepada Pemegang Kad atas permintaan Pemegang Kad dan untuk ini pihak Bank boleh mendebitkan Akaun dan/atau tolak-selesai jumlah tersebut daripada mana-mana akaun berkedudukan kredit di bawah nama Pemegang Kad.

Terma ini akan mengikat Pemegang Kad atau wakil, pengganti hak milik dan pemegang serah haknya.

- 7.4 Selepas pihak Bank menerima pemakluman dalam cara yang dinyatakan di dalam Klausula 7.1 di atas mengenai kehilangan / kecurian Kad Debit-i daripada Pemegang Kad dan jika sebarang transaksi tidak dibenarkan telah dibuat ke atas Kad Debit-i, Pemegang Kad tidak akan bertanggungjawab ke atas urusan niaga tanpa izin dan Pemegang Kad tidak akan bertanggungjawab ke atas kerugian dialami daripada transaksi yang tidak diizinkan yang berlaku selepas Pemegang Kad telah beritahu Bank bahawa kad dia telah disalahgunakan, hilang atau dicuri atau sekuriti Kad Debit-i dan/atau PIN telah dilanggar kecuali pihak Bank berjaya membuktikan bahawa Pemegang Kad telah bertindak secara fraud atau menyalahi undang-undang atau telah gagal memaklumkan kepada pihak Bank mengenai kehilangan Kad Debit-i secepat mungkin setelah menyedari Kad Debit-i tersebut telah hilang atau dicuri. Jika siasatan mendedahkan bahawa Pemegang Kad terlibat di dalam perlakuan sebarang caj tanpa kebenaran, Pemegang Kad akan bertanggungjawab ke atas semua caj tanpa kebenaran yang ditanggung, termasuk caj kewangan, sama ada sebelum atau selepas pihak Bank menerima pengesahan bertulis yang berkaitan. Untuk mengelakkan sebarang kekeliruan, transaksi yang tidak dibenarkan seperti yang dinyatakan diatas merujuk kepada transaksi belian runcit dan bukan transaksi Kad ATM. Transaksi Kad ATM merangkumi kedua-dua pengeluaran tunai dan transaksi tunai antara bank yang dilakukan dengan Kad Debit-i.



Dengan ini dipersetujui bahawa pihak Bank tidak dipertanggungjawabkan untuk memastikan baki semasa yang ditetapkan oleh pihak Bank tidak terlebih-guna.

- 7.5 Tanpa mengambil kira Klausula 7.4 di atas, Pemegang Kad akan bertanggungjawab ke atas transaksi PIN yang tidak diizinkan jika Pemegang Kad:
- (a) Melakukan penipuan;
  - (b) Lewat untuk memberitahu pihak Bank secepat mungkin selepas mengetahui kehilangan atau penggunaan Kad Debit-i tanpa izin;
  - (c) Sengaja mendedahkan PIN kepada orang lain; atau
  - (d) Merekodkan PIN pada Kad Debit-i, atau pada apa-apa benda yang disimpan berdekatan Kad Debit-i.
- 7.6 Tanpa mengambil kira Klausula 7.4 di atas, Pemegang Kad akan bertanggungjawab ke atas transaksi tanpa izin yang memerlukan pengesahan tandatangan atau dengan kad tanpa sentuhan jika Pemegang Kad:
- (a) Melakukan penipuan;
  - (b) Lewat untuk memberitahu pihak Bank secepat mungkin selepas mengetahui kehilangan atau penggunaan Kad Debit-i tanpa izin;
  - (c) Meninggalkan Kad Debit-i atau benda yang mengandungi Kad Debit-i tanpa pengawasan di tempat yang boleh dilihat dan diakses oleh orang lain; atau
  - (d) Membenarkan orang lain untuk menggunakan Kad Debit-i secara sukarela.
- 7.7 Pihak Bank boleh, atas permintaan Pemegang Kad, tetapi tanpa dipertanggungjawabkan dalam undang-undang, mengganti Kad Debit-i yang hilang, dicuri atau rosak dengan mengenakan bayaran fi. Penggantian Kad Debit-i adalah tertakluk kepada klausa di dalam terma dan syarat ini sebagaimana Kad Debit-i asal.
- 7.8 Pemegang Kad hendaklah memulangkan Kad Debit-i kepada pihak Bank untuk dipotong setengah sebaik sahaja tamat atau apabila diminta oleh Bank selepas pembatalan, pemansuhan atau penggantungan oleh pihak Bank atau apabila diketahui Kad Debit-i selepas pemberitahuan kehilangannya, dicuri atau rosak dan hendaklah tidak mempunyai apa-apa hak lagi penggunaan Kad Debit-i.
- 8.0 Penamatan oleh Pemegang Kad**
- 8.1 Pemegang Kad boleh pada bila-bila masa, menamatkan penggunaan Kad Debit-i dengan memberikan maklumat bertulis kepada pihak Bank dan mengembalikan Kad Debit-i yang dipotong dua kepada pihak Bank. Tiada kembalian Fi atau sebahagiannya akan dibuat kepada Pemegang Kad dan Pemegang Kad akan kekal bertanggungjawab ke atas sebarang transaksi yang dilakukan menggunakan Kad Debit-i sebelum pihak Bank menerima maklumat bertulis mengenai penamatan dan pengembalian Kad Debit-i dipotong dua kepada pihak Bank.



## 9.0 Fi, Komisen dan Caj

- 9.1 Pihak Bank berhak untuk mengenakan Fi untuk Perkhidmatan termasuk tetapi tidak terhad kepada pengeluaran Kad Debit-i, Penyata bulanan dicetak, Yuran Penggantian Kad, Fi Pengeluaran Tunai melalui rangkaian MEPS, MasterCard Cirrus dan Bank Antarabangsa, Fi Pencarian Rekod Jualan dan Fi Bayaran Tahunan. Selain daripada Bayaran Fi tersebut, transaksi yang dijalankan melalui Perkhidmatan akan dikenakan caj dan komisen biasa. Bagi tujuan pengutipan Yuran, komisen dan/atau caj, Pemegang Kad bersetuju untuk memberi kuasa kepada pihak Bank untuk mendebitkan Akaun dengan Yuran, komisen dan/atau caj yang berkenaan. Sekiranya Pemegang Kad tidak memberi kuasa kepada pihak Bank untuk mendebitkan Akaun dengan Yuran, komisen dan/atau caj, Pemegang Kad bersetuju bahawa kegagalan pembayaran Yuran, komisen dan/atau caj bagi Perkhidmatan boleh menjejaskan Perkhidmatan yang disediakan sehingga semua yuran, komisen dan/atau caj yang telah dibayar dengan sewajarnya oleh Pemegang Kad.
- 9.2 Pemegang Kad bersetuju untuk membayar semua fi, komisen dan/atau caj yang dikenakan dalam klausa ini dan membenarkan pihak Bank untuk mendebit Akaun Pemegang Kad, tanpa mengambil kira pendebitan tersebut mungkin menyebabkan Akaun terlebih guna. Bayaran, komisen dan/atau caj berikut dikenakan pada kadar yang dinyatakan atau pada kadar lain, tertakluk kepada prinsip-prinsip Syariah dan garis panduan yang berkaitan yang ditetapkan, yang boleh dipinda oleh pihak Bank dari semasa ke semasa dengan memberi **dua puluh satu (21)** hari kalendar notis terlebih dahulu kepada Pemegang Kad untuk transaksi yang dilaksanakan melalui penggunaan Kad Debit-i:

Penerangan Fi / Caj	Fi / Caj (tertakluk kepada Cukai Kerajaan, jika berkenaan)
<b>Fi Pengeluaran</b> Akaun Simpanan Asas-i / Akaun Semasa Asas-i (“ <b>BSA-i / BCA-i</b> ”) Biasa / Junior Perbankan Prioriti (“ <b>PB</b> ”)	Tiada fi  RM8.00 setiap kad Tiada fi
<b>Fi Tahunan</b> BSA-i / BCA-i / PB Akaun Simpanan-i / Akaun Semasa-i selain daripada BSA-i / BCA-i	Tiada fi RM8.00 setiap kad
“Tiada fi” adalah terpakai jika Kad Debit-i hanya dipautkan kepada BSA-i / BCA-i. Jika sebaliknya, Fi Pengeluaran dan Fi Tahunan akan dicaj.	
<b>Fi Penggantian Kad*</b> PB BSA-i / BCA-i Akaun Simpanan-i / Akaun Semasa-i selain daripada BSA-i / BCA-i	RM9.00 setiap kad RM12.00 setiap kad RM18.00 setiap kad
*Bagi kerosakan Kad Debit-i disebabkan kesalahan Pemegang Kad dan kehilangan / kecurian kad.	

<p><b>Pengeluaran Wang Tunai di ATM</b></p> <p><u>Dalam Negara</u></p> <ul style="list-style-type: none"> <li>▪ ATM Bank</li> <li>▪ ATM bank lain</li> </ul> <p><u>Luar Negara (dari baki Ringgit Malaysia)</u></p> <ul style="list-style-type: none"> <li>▪ Pengeluaran Wang Tunai Rentas Sempadan melalui Rangkaian MEPS PayNet</li> <li>▪ Melalui MasterCard Cirrus</li> </ul>	<p style="text-align: center;">Tiada fi</p> <p style="text-align: center;">RM1.00 setiap transaksi</p> <p style="text-align: center;">RM8.00 setiap transaksi</p> <p style="text-align: center;">RM12.00.setiap transaksi</p>
<p><u>Luar Negara (dari Akaun Yang Diupayakan Dengan MCF)</u></p> <ul style="list-style-type: none"> <li>▪ Melalui MasterCard Cirrus (dengan baki pelbagai mata wang yang mencukupi)</li> </ul>	<p>RM12.00 (dalam Padanan Tetap Mata Wang Asing**) atau 2% daripada amaun pengeluaran setiap transaksi, yang mana lebih tinggi.</p> <p>**Padanan Tetap Mata Wang Asing:</p> <ul style="list-style-type: none"> <li>▪ AUD4.50;</li> <li>▪ CAD4.00;</li> <li>▪ EUR3.00;</li> <li>▪ GBP2.50;</li> <li>▪ HKD25.00;</li> <li>▪ JPY350;</li> <li>▪ NZD5.00;</li> <li>▪ SAR12.00;</li> <li>▪ SGD4.00;</li> <li>▪ THB100;</li> <li>▪ USD3.00</li> </ul>
<p><b>Transaksi Luar Negara</b></p> <ul style="list-style-type: none"> <li>▪ Transaksi dalam mata wang selain daripada Ringgit Malaysia</li> <li>▪ Transaksi dalam Ringgit Malaysia melalui DCC</li> </ul>	<p>Transaksi ditukarkan kepada Ringgit Malaysia pada tarikh ia diproses oleh MasterCard pada kadar tukaran asing sebagaimana yang ditentukan oleh MasterCard. Fi tambahan berikut akan dikenakan ke atas tukaran tersebut:</p> <ul style="list-style-type: none"> <li>▪ 1% fi transaksi dikenakan oleh MasterCard; dan</li> <li>▪ 1% tokokan tukaran asing dikenakan oleh Bank.</li> </ul> <p>Untuk sesetengah Transaksi Luar Negara, Pemegang Kad boleh memilih untuk menggunakan perkhidmatan DCC untuk menukarkan transaksi mata wang asing kepada Ringgit Malaysia. Jika DCC dipilih:</p> <ul style="list-style-type: none"> <li>▪ kadar tukaran asing yang digunakan oleh saudagar luar negara bagi urusan niaga DCC mungkin lebih tinggi daripada kadar tukaran yang ditentukan oleh MasterCard; dan</li> </ul>

Permintaan Penyata Mingguan	<ul style="list-style-type: none"> <li>Pemegang Kad akan dikenakan fi transaksi sebanyak 1% ke atas amaun Ringgit Malaysia yang ditukarkan, yang merupakan fi yang dikenakan oleh MasterCard.</li> </ul> <p style="text-align: center;">RM20.00 sebulan</p>
Permintaan <i>Ad Hoc</i> Penyata Bercetak (untuk Akaun Semasa-i sahaja)	<ul style="list-style-type: none"> <li>Untuk Penyata sehingga <b>satu (1)</b> tahun yang lalu</li> <li>Untuk Penyata lebih daripada <b>satu (1)</b> tahun yang lalu</li> </ul> <p style="text-align: center;">RM10.00 setiap permintaan, RM2.00 setiap halaman RM10.00 setiap permintaan, RM5.00 setiap halaman</p>
Tiada bayaran perkhidmatan dikenakan untuk penyata Akaun Simpanan-i.	
Fi Pencarian Rekod Jualan	RM20.00 setiap salinan

9.3 Fi Tahunan tidak akan dikenakan semasa pengeluaran Kad Debit-i dan hanya akan dikenakan pada tarikh ulang tahun. Fi Tahunan boleh diubah oleh pihak Bank dari semasa ke semasa. Fi Tahunan tidak akan dikembalikan.

9.4 Penggantian Kad Debit-i adalah tertakluk kepada terma dan syarat di dalam ini seolah-olah ia adalah Kad Debit-i asal.

## 10.0 Cukai Kerajaan, Fi dan Caj Berkanun dan/atau Kawal Selia

10.1 Sebarang yuran perkhidmatan dan sebarang pembayaran yang kena dibuat oleh Pemegang Kad kepada pihak Bank di bawah terma dan syarat ini, termasuk sebarang jumlah yang mewakili pembayaran ganti untuk dibayar oleh Pemegang Kad kepada pihak Bank, adalah tidak termasuk Cukai dan perlu dijelaskan tanpa sebarang pengecualian, syarat dan tanpa sebarang potongan bagi sebarang jumlah tuntutan balas atau sebarang potongan atau sekatan.

10.2 Pada sebarang masa atau keadaan dimana Pemegang Kad dituntut oleh undang-undang untuk membuat sebarang potongan atau menahan dari yuran perkhidmatan dan/atau semua wang lain yang kena dibayar kepada di bawah terma dan syarat ini berkaitan dengan Cukai atau sebaliknya, jumlah yang kena dibayar oleh Pemegang Kad dalam hal di mana potongan atau penahanan cukai diperlukan akan ditambah supaya yuran perkhidmatan dan/atau jumlah bersih wang yang diterima oleh pihak Bank kekal dengan apa yang pihak Bank sepatutnya menerima jika sebarang potong atau pengecualian tidak dikenakan.

10.3 Sebagai penambahan atas yuran perkhidmatan dan sebarang bayaran yang perlu dibayar, Pemegang Kad kena bayar kepada pihak Bank semua bayaran Cukai pada kadar terkini dan/atau jumlah yang ditentukan oleh pihak Bank untuk merangkumi sebarang pembayaran Cukai / liabiliti Cukai / kewajipan Cukai yang berhubung kait, tanpa sebarang penolakan, sekatan atau syarat-syarat dan tanpa apa-apa potongan untuk atau sebarang jumlah tuntutan balas atau apa-apa potongan atau pengecualian, selain sebarang Cukai yang mana mungkin diperlukan di bawah

sebarang undang-undang kena dibayar oleh anda secara terus kepada Pihak Berkuasa Yang Berkenaan, dimana anda akan membayar secara terus kepada Pihak Berkuasa Yang Berkenaan.

- 10.4 Jika pada bila-bila masa satu pelarasan dibuat atau dikehendaki untuk dibuat antara pihak Bank dan Pihak Berkuasa Yang Berkenaan bagi sebarang jumlah Cukai berkaitan sebarang bekalan yang dilakukan atau dinilai sebagai telah berlaku, yang berkaitan dengan terma dan syarat ini daripada pihak Bank atau segala yang berkaitan dengannya, satu pelarasan, tertakluk pada budi bicara, boleh dibuat di antara pihak Bank and Pemegang Kad dan pada keadaan sedemikian, sebarang pembayaran berkaitan pelarasan tersebut, haruslah dijelaskan sepenuhnya.
- 10.5 Semua Cukai yang mesti dibayar oleh Pelanggan kepada pihak Bank seperti yang diperuntukkan di sini adalah perlu dibayar di masa-masa sedemikian dan di sedemikian cara seperti yang akan diminta oleh pihak Bank
- 10.6 Pemegang Kad dengan ini bersetuju untuk memenuhi segala permintaan oleh pihak Bank bagi membantu pihak Bank dalam mematuhi dengan kewajipan-kewajipannya di bawah undang-undang percukaian yang berkaitan. Jika terdapat, Cukai baru yang telah berkuatkuasa dan Cukai tersebut adalah diwajibkan untuk dikenakan terhadap sebarang transaksi yang termaktub di dalam terma dan syarat, Pemegang Kad bersetuju untuk memberi kerjasama dengan sepenuhnya kepada pihak Bank untuk memudahkan pihak Bank untuk mematuhi tanggungjawab Pihak Bank di bawah undang-undang tersebut.

Bagi mengelakkan sebarang keraguan, kesemua pihak terbabit dengan ini bersetuju bahawa mana-mana jumlah yang perlu dibayar atau jumlah yang digunakan untuk menentukan jumlah yang perlu dibayar berdasarkan terma dan syarat ini adalah muktamad tanpa mengambil kira untuk Cukai dan tidak termasuk jumlah-jumlah yang perlu ditambah di bawah Klausula ini berkenaan dengan Cukai.

## **11.0 Had Transaksi Kad**

- 11.1 Kecuali diarahkan sebaliknya oleh Pemegang Kad atau Pemegang Kad tidak memilih suatu had untuk pelaksanaan transaksi melalui Perkhidmatan, pihak Bank berhak untuk menentukan dan menetapkan sebarang had sama ada dari segi amaun, kekerapan atau kegunaan mana-mana Perkhidmatan dan/atau Kod Keselamatan. Pemegang Kad boleh mengubah had ke atas Transaksi Kad yang dilakukan dengan memberikan makluman awal secara bertulis kepada pihak Bank. Pihak Bank tidak bertanggungjawab untuk memastikan Pemegang Kad tidak melebihi had yang ditetapkan mahupun mematuhi permintaan Pemegang Kad supaya pihak Bank mengubah had tersebut.
- 11.2 Had Pengeluaran Tunai Harian untuk Pemegang Kad Biasa dan Perbankan Prioriti ditetapkan pada **Ringgit Malaysia Dua Ribu (RM2,000)**, dengan had maksimum dibenarkan sebanyak **Ringgit Malaysia Sepuluh Ribu (RM10,000)** untuk Pemegang Kad Biasa dan Pemegang Kad Perbankan Prioriti, atau suatu amaun lain yang ditentukan oleh pihak Bank dari semasa ke semasa dengan memberi **dua puluh satu (21)** hari kalendar terlebih dahulu makluman awal kepada Pemegang Kad. Pemegang Kad boleh melakukan penetapan Had Pengeluaran Tunai Harian di mana-mana cawangan Bank atau ATM atau melalui Hong Leong Connect.
- 11.3 Had Belian Runcit Harian untuk Pemegang Kad Biasa dan Perbankan Prioriti ditetapkan pada **Ringgit Malaysia Tiga Ribu (RM3,000)**, dengan had maksimum dibenarkan sebanyak **Ringgit**

**Malaysia Lima Ribu (RM5,000)** untuk Pemegang Kad Biasa dan **Ringgit Malaysia Sepuluh Ribu (RM10,000)** untuk Pemegang Kad Perbankan Prioriti, atau suatu amaun lain yang ditentukan oleh pihak Bank dari semasa ke semasa dengan memberi **dua puluh satu (21)** hari kalendar terlebih dahulu makluman awal kepada Pemegang Kad. Pemegang Kad boleh melakukan penetapan Had Belian Runcit Harian di mana-mana cawangan Bank atau melalui Hong Leong Connect. Selain daripada itu, Pemegang Kad boleh memohon Had Belian Runcit Harian yang lebih tinggi ("**Had Belian Runcit Harian Sementara**") di mana-mana cawangan Bank atau melalui Hong Leong Connect dan Had Belian Runcit Harian Sementara tersebut akan berkuat kuasa sepanjang tempoh masa yang ditetapkan oleh Pemegang Kad ("**Julat Tarikh**"). Had Belian Runcit Harian Sementara memberikan Pemegang Kad had maksimum yang dibenarkan iaitu **Ringgit Malaysia Sembilan Puluh Sembilan Ribu Sembilan Ratus Sembilan Puluh Sembilan (RM99,999)** sepanjang Julat Tarikh yang ditetapkan oleh Pemegang Kad. Had Belian Runcit Harian Sementara akan dinyahaktifkan apabila Julat Tarikh berakhir dan selepas itu, Had Belian Runcit akan kembali kepada Had Belian Runcit Harian.

- 11.4 Had Belian Dalam Talian Harian untuk Pemegang Kad Biasa dan Pemegang Kad Perbankan Prioriti ditetapkan pada **Ringgit Malaysia Satu Ribu (RM1,000)**, dengan had maksimum dibenarkan sebanyak **Ringgit Malaysia Lima Ribu (RM5,000)** untuk Pemegang Kad Biasa dan Pemegang Kad Perbankan Prioriti, atau suatu amaun lain yang ditentukan oleh pihak Bank dari semasa ke semasa dengan memberi **dua puluh satu (21)** hari kalendar terlebih dahulu makluman awal kepada Pemegang Kad. Pemegang Kad boleh melakukan Had Belian Dalam Talian di mana-mana cawangan Bank atau melalui Hong Leong Connect.
- 11.5 Had Pemindahan Harian melalui ATM untuk Pemegang Kad Biasa dan Perbankan Prioriti ditetapkan pada **Ringgit Malaysia Dua Ribu (RM2,000)** dengan had maksimum dibenarkan sebanyak **Ringgit Malaysia Lima Puluh (RM50,000)** untuk Pemegang Kad Biasa dan Pemegang Kad Perbankan Prioriti, atau suatu amaun lain yang ditentukan oleh pihak Bank dari masa ke semasa dengan memberikan makluman awal **dua puluh satu (21)** hari kalendar terlebih dahulu kepada Pemegang Kad. Pemegang Kad boleh melakukan penetapan Had Pemindahan Harian di mana-mana cawangan Bank atau ATM daripada Bank.
- 11.6 Bagi mengelakkan keraguan, Had Pemindahan Harian melalui ATM adalah berasingan daripada Had Pemindahan Harian melalui Hong Leong Connect.
- 11.7 Pemegang Kad yang ingin menukar had amaran transaksi melalui khidmat pesanan ringkas ("**SMS**") dikehendaki membuat permintaan bertulis untuk menukar had yang telah ditetapkan sebelum ini atau menarik diri daripada perkhidmatan amaran transaksi melalui SMS tersebut. Pemegang Kad boleh mendapatkan Borang Penyelenggaraan Perkhidmatan Amaran Transaksi Kad Debit/i ("**Borang**") di mana-mana cawangan Bank atau di Laman Sesawang Bank. Pemegang Kad perlu melengkapkan Borang tersebut dan mematuhi arahan yang terdapat di dalamnya untuk menukar had amaran transaksi melalui SMS atau menarik diri daripada perkhidmatan amaran transaksi melalui SMS tersebut.

## 12.0 Pematuhan Syariah

- 12.1 Apabila Akaun Pembelian Runcit yang dipautkan kepada Kad Debit-i adalah Akaun Simpanan-i atau Akaun Semasa-i, Kad Debit-i hanya boleh digunakan untuk pembelian Barangan dan Perkhidmatan Patuh Syariah. Kad Debit-i tidak boleh digunakan di mana-mana saudagar yang

menyediakan barangan dan perkhidmatan tidak patuh Syariah dan/atau untuk apa-apa transaksi tidak patuh Syariah yang dikategorikan mengikut Kategori Saudagar yang berikut:

- (a) Bar, Ruang Koktel, Disko, Kelab Malam dan Kedai Minuman Keras
- (b) Pakej Bir, Wain dan Minuman Keras
- (c) Kedai dan Gerai Cerut
- (d) Transaksi Perjudian
- (e) Petaruhan - Perlumbaan Kuda, Perlumbaan Anjing, Petaruhan Bukan Sukan Dalam Talian Antara Negeri
- (f) Perkhidmatan Janji Temu dan Teman Sosial

### **13.0 Indemniti**

- 13.1 Kecuali jika kerugian tersebut disebabkan oleh salah laku sengaja atau kecuaiian melampau oleh pihak Bank, Pemegang Kad dengan ini melindungi pihak Bank sepenuhnya daripada semua tuntutan, permintaan, tindakan, prosiding, kerugian dan perbelanjaan (termasuk kos perundangan sebagaimana peguam cara dengan pelanggan sendiri) dan semua liabiliti dalam apa jua bentuk atau jenis yang mungkin dibuat, diambil, ditanggung atau dialami oleh pihak Bank berhubung dengan atau apa jua cara yang timbul daripada peruntukan Perkhidmatan atau penerimaan sebarang arahan yang diberikan oleh Pemegang Kad atau pelanggaran mana-mana terma dan syarat oleh Pemegang Kad. Liabiliti Pemegang Kad adalah merupakan liabiliti berterusan dan akan kekal berkuat kuasa sepenuhnya sehingga liabiliti pihak Bank, jika ada, dilepaskan sepenuhnya.
- 13.2 Sekiranya pemilik tunggal di mana Pemegang Kad adalah pemilik tunggal, simpan dan kecuali untuk kerosakan yang timbul secara langsung dari kemungkiran sengaja atau kelalaian kasar, Pemegang Kad berjanji untuk menuntut ganti rugi kepada Bank sepenuhnya terhadap semua tuntutan, tuntutan, tindakan, prosiding, kerugian dan perbelanjaan (termasuk kos perundangan antara peguam cara dan pelanggan sendiri) dan semua liabiliti lain sifat atau keterangan yang mungkin dibuat atau diambil atau ditanggung oleh Bank berkaitan dengan cara apa pun yang timbul daripada peruntukan Perkhidmatan atau penerimaan arahan yang diberikan oleh Pemegang Kad atau pelanggaran oleh mana-mana terma dan syarat oleh Pemegang Kad, walaupun mungkin terdapat perubahan selanjutnya dalam pemilikan hak milik tunggal.

### **14.0 Penamatan Perkhidmatan oleh Bank**

- 14.1 Pihak Bank boleh menamatkan Perkhidmatan dan terma dan syarat ini dengan memberi **dua puluh satu (21)** hari kalendar terlebih dahulu makluman awal kepada Pemegang Kad.

## 15.0 Budi Bicara Bank

### 15.1 Pihak Bank boleh untuk:

- (a) tidak meluluskan sebarang Transaksi Kad walaupun terdapat dana yang mencukupi di dalam Akaun;
- (b) menggantung hak Pemegang Kad untuk menggunakan Kad Debit-i; dan
- (c) menolak untuk mengeluarkan, memperbaharui atau menggantikan Kad Debit-i;

atas sebab-sebab yang dibenarkan oleh undang-undang (contoh: transaksi mencurigakan yang mungkin merupakan penipuan, arahan mahkamah untuk membekukan Akaun Pemegang Kad). Bagi mengelakkan keraguan, tanggungjawab Pemegang Kad di bawah terma dan syarat ini tidak akan terjejas dan akan terus berkuat kuasa walaupun pihak Bank menggunakan budi bicara tersebut.

- 15.2 Tanpa prejudis kepada peruntukan lain di dalam terma dan syarat ini, tertakluk kepada prinsip-prinsip Syariah dan garis panduan yang berkaitan, pihak Bank berhak pada bila-bila masa dengan memberi **dua puluh satu (21)** hari kalendar terlebih dahulu makluman awal, untuk memperkenalkan, menukar, mengubah, mengehad atau menarik balik semua atau mana-mana manfaat, Perkhidmatan, kemudahan atau kelebihan yang berkaitan dengan atau berhubung dengan penggunaan Kad Debit-i dan/atau terma dan syarat ini.

## 16.0 Akaun Gantung

- 16.1 Untuk tujuan membolehkan pihak Bank mengekalkan keseluruhan liabiliti Pemegang Kad, apabila writ saman telah dikeluarkan atau untuk membuktikan kebangkrapan atau ketidakmampuan bayar Pemegang Kad atau untuk tujuan lain yang dianggap wajar oleh pihak Bank, pihak Bank boleh pada bila-bila masa dan tempat, menyimpan untuk suatu tempoh yang wajar, sebarang wang yang diterima, diperoleh semula atau direalisasi selaras dengan terma dan syarat ini atau di bawah mana-mana cagaran atau jaminan untuk dikreditkan dalam akaun berasingan yang tidak menawarkan keuntungan di bawah nama Pemegang Kad sebagaimana dianggap wajar oleh pihak Bank. Pihak Bank tidak mempunyai kewajipan segera untuk memanfaatkan wang tersebut atau sebahagian daripadanya untuk atau ke arah melunaskan jumlah perlu bayar dan terhutang kepada pihak Bank.

## 17.0 Tolak Selesai

- 17.1 Pemegang Kad bersetuju bahawa pihak Bank boleh, pada bila-bila masa dan dengan memberikan makluman awal, menyatu dan menggabung semua atau mana-mana Akaun Pemegang Kad dengan pihak Bank dalam apa jua bentuk dan di mana-mana lokasi, sama ada di dalam Ringgit Malaysia atau mata wang lain, atau menolak selesai atau memindah sebarang jumlah yang sedia untuk dikredit ke dalam mana-mana Akaun tersebut termasuk akaun bersama di mana akaun bersama tersebut adalah di atas nama Pemegang Kad untuk atau ke arah melunaskan semua jumlah terhutang kepada pihak Bank di bawah mana-mana akaun Pemegang Kad dengan pihak Bank, dalam apa jua bentuk dan di mana-mana lokasi, sama ada di dalam Ringgit Malaysia atau mata wang lain dan pihak Bank boleh berbuat demikian tanpa mengambil kira baki di dalam akaun



tersebut dan jumlah terhutang mungkin bukan di dalam mata wang yang sama, dan Pemegang Kad dengan ini membenarkan pihak Bank menguatkuasakan sebarang penyatuan, gabungan, tolak selesai atau pemindahan dengan pertukaran mata wang yang sewajarnya pada kadar tukaran semasa pihak Bank yang akan ditentukan oleh pihak Bank mengikut budi bicaranya.

## 18.0 Caj Balik

- 18.1 Pihak Bank tidak boleh dipertanggungjawabkan atas sebarang tindakan atau pengabaian oleh mana-mana saudagar runcit atau dalam talian walau apapun puncanya, termasuk tetapi tidak terhad kepada keengganan menerima Kad Debit-i atau sebarang Penyata atau komunikasi lain yang dibuat berkaitan dengannya, atau sebarang kecacatan atau kekurangan pada produk atau perkhidmatan. Sekiranya terdapat sebarang kecacatan atau kekurangan pada produk atau perkhidmatan, Pemegang Kad hendaklah berhubung secara langsung dengan Saudagar Dibenarkan mengenai sebarang tuntutan atau pertikaian dan tidak akan mempertikaikan sebarang bayaran yang dibuat oleh pihak Bank dari Akaun Pemegang Kad ke atas tuntutan atau pertikaian tersebut.
- 18.2 Dalam keadaan tertentu, peraturan skim kad membenarkan Pemegang Kad untuk mencaj-balik transaksi Debit kepada Saudagar yang mana transaksi telah dibuat (jika hak caj-balik disediakan) tertakluk kepada aduan atau pertikaian telah dibuat oleh Pemegang Kad kepada pihak Bank secara lisan atau bertulis dalam masa **dua puluh satu (21)** hari kalendar daripada Tarikh Pengeposan Transaksi Kad tersebut seperti dalam Penyata dan Pemegang Kad telah menyediakan maklumat yang diperlukan oleh pihak Bank (iaitu nama Pemegang Kad, Akaun yang terlibat, tarikh dan jumlah Transaksi Kad yang dipertikaikan dan sebab Pemegang Kad percaya bahawa ia adalah Transaksi Kad yang dipertikaikan) untuk menyokong caj balik dalam tempoh masa yang ditetapkan.
- 18.3 Sekiranya pihak Bank melanjutkan tempoh masa untuk menyelesaikan siasatan selepas **empat belas (14)** hari kalendar dari tarikh laporan terhadap Transaksi Kad yang dipertikaikan, sama ada secara lisan atau bertulis, oleh Pemegang Kad kepada pihak Bank, pihak Bank boleh:
- (a) sekurang-kurangnya, mengkreditkan buat sementara waktu jumlah penuh transaksi yang dipertikaikan atau **Ringgit Malaysia Lima Ribu (RM5,000)**, yang mana lebih rendah (termasuk apa-apa keuntungan yang berkenaan), ke dalam Akaun Pembelian Runcit tidak lewat daripada **empat belas (14)** hari kalendar dari tarikh Pemegang Kad mengemukakan maklumat yang dinyatakan dalam Klausula 18.2 kepada pihak Bank;
  - (b) mengkredit baki Transaksi Kad yang dipertikaikan (termasuk apa-apa keuntungan yang berkenaan) tidak lewat daripada **tiga puluh (30)** hari kalendar daripada tarikh perkreditan pertama dana sementara ke dalam Akaun Pembelian Runcit oleh pihak Bank mengikut Klausula 18.3 (a) di mana dana tersebut adalah kurang daripada amaun Transaksi Kad yang dipertikaikan; dan
  - (c) membenarkan Pemegang Kad menggunakan sepenuhnya dana sementara yang dikreditkan.
- 18.4 Sekiranya Pemegang Kad dikehendaki membayar jumlah transaksi atau Saudagar Dibenarkan telah mengembalikan jumlah transaksi tersebut secara langsung kepada Pemegang Kad, pihak Bank berhak mendebitkan amaun berkenaan daripada Akaun Pembelian Runcit.

- 18.5 Tanpa mengambil kira dan tanpa prejudis kepada sebutan umum klausa di dalam terma dan syarat ini, Pemegang Kad bersetuju bahawa:
- (a) Penggunaan Kad Debit-i adalah atas risiko Pemegang Kad sendiri dan Pemegang Kad hendaklah menanggung semua risiko yang berkaitan atau yang timbul daripada penggunaan Kad Debit-i; dan
  - (b) Pemegang Kad tidak boleh membuat atau cuba untuk membuat apa-apa dakwaan palsu, penipuan atau menyalahi undang-undang berkenaan dengan Transaksi Kad yang dipertikaikan sama ada secara langsung atau tidak langsung. Pihak Bank berhak pada bila-bila masa menurut budi bicaranya untuk memulakan dan mengambil tindakan undang-undang dan/atau apa-apa prosiding lain sebagaimana yang pihak Bank fikirkan perlu terhadap Pemegang Kad setelah pihak Bank menemui atau menyedari tentang apa-apa tuntutan yang palsu atau penipuan atau menyalahi undang-undang berkaitan dengan atau yang timbul daripada Transaksi Kad yang dipertikaikan.
- 18.6 Pihak Bank mempunyai hak untuk mengambil tindakan perundangan dan/atau apa-apa prosiding lain yang dianggap perlu oleh Bank termasuk melaporkan apa-apa laporan yang sesuai atau perlu dengan pihak berkuasa yang berkaitan, terhadap Pemegang Kad yang melengahkan, menghalang dan/atau menyembunyikan maklumat penting daripada pihak Bank, membuat atau cuba untuk membuat tuntutan palsu berkenaan dengan apa-apa transaksi, menyiarkan tuntutan palsu di media tradisional atau sosial, dan/atau membuat laporan polis palsu mengenai apa-apa transaksi.
- 18.7 Tertakluk kepada kepatuhan Pemegang Kad kepada tanggungjawab yang dinyatakan dalam Klausa 18.2, sekiranya berlaku caj balik akibat aduan atau pertikaian oleh Pemegang Kad mengenai Transaksi Luar Negara yang dilakukan dalam mata wang asing melalui Akaun Yang Diupayakan Dengan MCF, amaun yang dicaj balik akan dikreditkan ke dalam Akaun Yang Diupayakan Dengan MCF Pemegang Kad dalam mata wang transaksi asal.
- 19.0 Transaksi Luar Negara**
- 19.1 Pemegang Kad boleh menggunakan Kad Debit-i untuk melakukan Transaksi Kad dan Transaksi Kad ATM di luar Malaysia (“**Transaksi Luar Negara**”) di mana terdapat Saudagar Dibenarkan dan/atau Saluran Tunai yang dibenarkan dengan syarat bahawa Pemegang Kad telah memilih untuk membenarkan Transaksi Luar Negara yang akan dilaksanakan pada Kad Debit-i yang berkaitan Klausa 20.1 di dalam ini.
- 19.2 Semua Transaksi Luar Negara melalui transaksi ATM dan Transaksi Kad adalah tertakluk kepada undang-undang sedia ada di negara di mana transaksi dilakukan. Untuk semua Transaksi Kad, kadar tukaran, di mana berkaitan, adalah kadar tukaran lani semasa pada tarikh transaksi.
- 19.3 Pemegang Kad boleh menggunakan Kad Debit-i untuk pengeluaran tunai melalui ATM tertentu yang dipasang di negara yang diluluskan sebagaimana ditetapkan oleh pihak Bank dan/atau mana-mana MasterCard tertakluk bahawa semua caj yang dikenakan oleh MasterCard dan/atau pihak Bank termasuk semua caj yang dinyatakan dalam Klausa 19.5 atau Klausa 19.6.
- 19.4 Sekiranya Pemegang Kad menggunakan Kad Debit-i di ATM dan cawangan saudagar di bawah rangkaian MasterCard di luar Malaysia, transaksi akan dicaj menggunakan mata wang rasmi

negara tersebut dan ditukar ke Ringgit Malaysia pada kadar tukaran yang mungkin ditentukan oleh MasterCard menurut budi bicaranya.

- 19.5 Transaksi Kad yang dilakukan menggunakan mata wang lain selain daripada Ringgit Malaysia akan didebit ke Akaun selepas ditukarkan kepada Ringgit Malaysia, pada kadar tukaran yang ditentukan oleh MasterCard pada hari tukaran:

- (a) **Satu peratus (1%)** fi transaksi yang dicaj oleh MasterCard; dan
- (b) **Satu peratus (1%)** fi kadar tukaran asing yang dikenakan oleh pihak Bank.

Transaksi dalam Ringgit Malaysia akan didebitkan daripada akaun Pemegang Kad dengan tambahan fi tadbir yang dikenakan oleh MasterCard.

- 19.6 Untuk sesetengah Transaksi Luar Negara, Pemegang Kad boleh memilih untuk menggunakan perkhidmatan DCC untuk menukarkan transaksi mata wang asing kepada Ringgit Malaysia. Jika DCC dipilih:

- (a) kadar tukaran asing yang digunakan oleh saudagar luar negara bagi urus niaga DCC mungkin lebih tinggi daripada kadar tukaran yang ditentukan oleh MasterCard; dan
- (b) Pemegang Kad akan dikenakan fi transaksi sebanyak 1% ke atas amaun Ringgit Malaysia yang ditukarkan, yang merupakan fi yang dikenakan oleh MasterCard.

- 19.7 Sekiranya Pemegang Kad memilih untuk melakukan transaksi dalam mata wang asing menggunakan Akaun Yang Diupayakan Dengan MCF, transaksi tersebut akan berjaya sekiranya mata wang asing yang dipilih mempunyai baki yang mencukupi di dalam Akaun Yang Diupayakan Dengan MCF. Transaksi tersebut tidak akan dikenakan fi yang dinyatakan dalam Klausula 19.5. Walau bagaimanapun, sekiranya mata wang asing yang dipilih oleh Pemegang Kad tidak mencukupi, transaksi tersebut akan disempurnakan dalam Ringgit Malaysia dan akan didebit dari baki Ringgit Malaysia yang terdapat dalam Akaun Yang Diupayakan Dengan MCF Pemegang Kad dan fi yang dinyatakan dalam Klausula 19.5 akan dikenakan.

- 19.8 Meskipun adanya Klausula 19.7, sekiranya institusi kewangan saudagar luar negara menyempurnakan / membenarkan Transaksi Luar Negara dalam Ringgit Malaysia, bukannya dalam mata wang asing yang dipilih oleh Pemegang Kad, transaksi tersebut akan didebit dari Akaun Pembelian Runcit Pemegang Kad dalam Ringgit Malaysia walaupun Pemegang Kad mempunyai baki mata wang asing yang mencukupi dalam Akaun Yang Diupayakan Dengan MCF.

- 19.9 Bagi Transaksi Kad yang disempurnakan dari Akaun Yang Diupayakan Dengan MCF dalam mata wang asing:

- (a) sekiranya terdapat kembalian oleh Saudagar Dibenarkan dalam tempoh **tiga puluh (30)** hari daripada tarikh transaksi, dan pihak Bank berjaya memadamkan kembalian tersebut kepada transaksi asal, kembalian tersebut akan dikreditkan ke dalam Akaun Yang Diupayakan Dengan MCF dalam mata wang transaksi asal. Sekiranya padanan tidak berjaya, kembalian tersebut akan ditukarkan kepada Ringgit Malaysia pada kadar tukaran semasa Bank pada masa pihak Bank mengkredit kembalian tersebut ke dalam Akaun Yang Diupayakan Dengan MCF Pemegang Kad.

- (b) sekiranya Saudagar Dibenarkan mengemukakan permintaan untuk kembalian selepas tempoh tiga puluh (30) hari daripada tarikh transaksi, kembalian kepada Pemegang Kad akan disempurnakan dalam Ringgit Malaysia and tukaran daripada mata wang yang berkenaan kepada Ringgit Malaysia adalah pada kadar tukaran semasa Bank pada masa pihak Bank mengkredit kembalian tersebut ke dalam Akaun Yang Diupayakan Dengan MCF Pemegang Kad.

dilakukan dalam mata wang selain daripada Ringgit Malaysia, sekiranya terdapat kelewatan penyerahan oleh Saudagar Dibenarkan **tiga puluh (30)** hari selepas Tarikh transaksi, pihak Bank akan mendebit Akaun Pembelian Runcit dalam Ringgit Malaysia walaupun Pemegang Kad mempunyai baki pelbagai mata wang. Sekiranya terdapat perubahan fi, penyerahan lewat berkenaan akan tertakluk kepada kadar fi baru pada Tarikh Pengeposan transaksi.

- 19.10 Pemegang Kad perlu mematuhi Notis FEA yang dikeluarkan oleh BNM bagi semua transaksi, termasuk transaksi luar negara, yang boleh didapati di laman sesawang BNM. Pemegang Kad adalah bertanggungjawab atas sebarang pengingkaran atau ketidakpatuhan kepada peraturan tersebut dan pindaan yang dibuat terhadapnya.

## **20.0 Keperluan Pilih Masuk bagi Transaksi Luar Negara dan Transaksi Kad Tidak Hadir**

- 20.1 Pemegang Kad tidak dibenarkan untuk melaksanakan apa-apa Transaksi Luar Negara dan/atau Transaksi Kad Tidak Hadir melainkan Pemegang Kad telah mendaftarkan arahnya untuk memilih masuk untuk melaksanakan Transaksi Luar Negara dan/atau Transaksi Kad Tidak Hadir melalui Hong Leong Connect, ATM, kunjungi mana-mana cawangan Bank atau hubungi Pusat Panggilan Bank di **03-7626 8899**, jika tidak, Transaksi Luar Negara dan/atau Transaksi Kad Tidak Hadir akan ditolak.

## **21.0 Platform Pembayaran atau Rangkaian**

- 21.1 Walaupun Kad Debit-i Bank menyokong MyDebit yang hanya boleh digunakan di dalam Malaysia, dan MasterCard yang diterima di dalam Malaysia dan di luar negara, apabila Kad Debit-i digunakan di Saudagar Dibenarkan di Malaysia, ia adalah tertakluk kepada pilihan rangkaian oleh Saudagar Dibenarkan tersebut (iaitu sama ada MyDebit atau MasterCard) bagi tujuan memproses pembayaran.
- 21.2 Pemegang Kad tidak dibenarkan untuk meminta Saudagar Dibenarkan untuk menukar rangkaian kad debit yang telah dipilih.

## **22.0 Undang-undang dan Bidang Kuasa yang Terpakai**

- 22.1 Terma dan syarat ini akan tertakluk kepada dan ditafsirkan menurut undang-undang Malaysia tetapi dalam menguatkuasakan haknya, pihak Bank bebas untuk memulakan dan mengambil tindakan atau prosiding atau selainnya terhadap Pemegang Kad dan mana-mana pihak di Malaysia dan/atau di tempat lain seperti yang dianggap sesuai oleh pihak Bank dan Pemegang Kad bersetuju bahawa apabila apa-apa tindakan atau prosiding dimulakan dan diambil di Malaysia, ia hendaklah mematuhi bidang kuasa eksklusif Mahkamah Malaysia dalam semua hal yang berkaitan dengan kewajipan dan liabiliti di bawah atau yang timbul daripada Akaun dan terma dan syarat ini.